

2/26.5/3108



ՀԱՍՏԱՏՈՒՄ ԵՄ՝

ՇՐՋԱԿԱ ՄԻՋԱԿԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ

« 07 » 04 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0071-21

Ձեռնարկողը՝

«Սիլենիում Սթար» ՍՊԸ

ք. Երևան, փ. Տ. Մեծ 49

Գործունեությունը՝ Ծաղկաձոր քաղաքի Անտառային 1-ին թաղամաս 10
հասցեում բազմաֆունկցիոնալ բնակելի համալիրի
վերականգնման շրջակա միջավայրի վրա ազդեցության
նախնական գնահատման հայտ

Կոտայքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0071-21
<07> 04 2021թ.

**Ծաղկաձոր քաղաքի Անտառային 1-ին թաղամաս 10 հասցեում
բազմաֆունկցիոնալ բնակելի համալիրի վերակառուցման աշխատանքների
շրջակա միջավայրի վրա ազդեցության նախնական գնահատման հայտ**

Ներածական մաս.

Ձեռնարկող՝

«Սիլենիում Սթար» ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ

Գործունեությունը՝

«Գ» կատեգորիա

Տեղադրման վայրը՝

Կոտայքի մարզ, Ծաղկաձոր համայնք

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 7)-րդ կետի ա. ենթակետի՝ Ծաղկաձոր քաղաքի Անտառային 1-ին թաղամաս 10 հասցեում բազմաֆունկցիոնալ բնակելի համալիրի վերակառուցումը, որպես քաղաքաշինության բնագավառի գործունեություն, դասակարգվում է որպես «Գ» կատեգորիայի գործունեության տեսակ:

Կառուցապատման ենթակա տարածքը գտնվում է Կոտայքի մարզի Ծաղկաձոր քաղաքի վարչական տարածքում, Անտառային 1-ին թղմ. 10 հասցեում: Նշված հասցեում առկա է 14335մ² մակերեսով կիսակառույց շինություն, որը նախագծով նախատեսվում է վերակառուցել որպես բազմաֆունկցիոնալ բնակելի համալիր: Կառուցապատվող հողամասի մակերեսը զբաղեցնում է 0,46136 հա մակերես (կադաստրային ծածկագիր՝ 07-005-0026-0767), սեփականության իրավունքով պատկանում է «Սիլենիում Սթար» ՍՊ ընկերությանը /այսուհետ՝ ընկերություն/: Հողի նպատակային նշանակությունը բնակավայրերի է, գործառնական նշանակությունը՝ բնակելի կառուցապատման: Ծաղկաձոր քաղաքի Անտառային 1-ին թաղամաս 10 հասցեում նախագծված բազմաֆունկցիոնալ համալիրի վերակառուցման աշխատանքային նախագծի համար հիմք է հանդիսացել Ծաղկաձոր համայնքի ղեկավարի կողմից 2020թ. Հունվարի 2-ին տրված N2 նախագծման թույլտվությունը/ճարտարապետահատակագծային առաջադրանք/:

Նախագծված բնակելի համալիրի հարևանությամբ, Ծաղկաձոր Անտառային 1-ին թղմ. 10/1 հասցեում գտնվում է Ընկերությանը սեփականության իրավունքով պատկանող 0.44664 հա մակերեսով (կադաստրային ծածկագիր՝ 07-005-0026-0766) կանաչապատ տարածք, որը անհատույց օգտագործմամբ տրամադրվելու է կառուցվող բազմաֆունկցիոնալ բնակելի համալիրի բնակիչներին՝ պահպանելով ընկերության սեփականության իրավունքը (համաձայնագիրը կցված է հայտում): Հողատարածքին մոտեցման համար տրվող ճանապարհների կառուցում չի նախատեսվում, օգտագործվելու են գոյություն ունեցող ճանապարհները:



Նկարագրական մաս: Կառուցապատման ենթակա տարածքում առկա է 49.3մ² մակերեսով փայտյա շինություն: Վերակառուցվող կիսակառույցի /գոյություն ունեցող/ առաջին մասնաշենքն իր մեջ ներառում է մեկ նկուղային և վեց վերգետնյա հարկեր, իսկ երկրորդ մասնաշենքը՝ մեկ նկուղային, մեկ կիսանկուղային և երկու վերգետնյա կիսակառույց հարկեր:

Վերակառուցվող բազմաֆունկցիոնալ համալիրը բաղկացած կլինի երկու մասնաշենքից, որի առաջին մասնաշենքը բաղկացած կլինի մեկ նկուղային, տասներկու վերգետնյա հարկերից/6+6/, իսկ երկրորդ մասնաշենքը՝ մեկ նկուղային, մեկ կիսանկուղային և տաս վերգետնյա հարկերից/2+8/: Կառույցի առաջին վերգետնյա հարկը, որը համապատասխանում է նախագծի $\pm 0,00$ նիշին, նախատեսված է որպես համալիրի հասարակական նշանակության համար, որտեղ կտեղակայվեն նաև բնակելի համալիրի երեք հիմնական մուտքերը: Նախագծում հաջորդ վերգետնյա հարկերը նախատեսված են որպես բնակելի: Ստորին՝ -3,00 նիշում և երկրորդ մասնաշենքի -5,800 նիշերում նախատեսվում են հիմնական համալիրի ավտոհանգրվանները, տեխնիկական ու սպասարկման սենյակները: Գոյություն ունեցող կառույցի վերգետնյա հարկերի բարձրությունները համապատասխանաբար՝ 0,00 նիշում 4,6 մ է, իսկ վերին հարկերում՝ 3,6մ: Ավելացվող հարկերի բարձրությունը 3.3մ է:

Կառույցի ընդհանուր մակերեսը կազմում է 28,160մ², որից գոյություն ունեցողինը կազմում է 14,335մ² է, իսկ ավելացվողինը՝ 13,825մ²: Ընդհանուր մակերեսից 14,782մ² հանդիսանում է բնակելի մակերեսներ, իսկ 1650մ²՝ հասարակական մակերեսներ: Մնացած մակերեսները ծառայում են որպես ավտոհանգրվաններ, ընդհանուր օգտագործման տարածքներ, հորաններ և պատային կոնստրուկցիաներ: Մուտքային հատվածներում նախատեսված է իրականացնել ամբարձիչ հենահարթակներ՝ սակավաշարժ խմբերի համար: Աստիճանավանդակներում և ավտոհանգրվաններում նախատեսված է ծխահեռացման համակարգ: Համալիրի տանիքը նախատեսված է իրականացնել մետաղական կարկասով, կազմակերպված արտաքին ջրահեռացմամբ: Ճակատների երեսապատման նյութերն են՝ բազալտ, բնական քարից խառը շարվածքներ:

Կառույցի տեխնիկատնտեսական ցուցանիշներն են՝

- Հողամասի մակերես՝ 0,46136 հա
- Կառուցապատման մակերես 3243 մ²,
- Անջրանցիկ մակերես՝ 1070 մ²,
- Բնակարանների քանակ՝ 319 հատ:

Կանաչապատման մակերեսի ցուցանիշը /որը նախատեսված է հողամասի 30% -ի չափով, կամ ընդհանուր 4928մ² մակերեսով/, սահմանվել է Ծաղկածորի քաղաքապետի կողմից տրված ճարտարապետահատակագծային առաջադրանքի պահանջով և ապահովվելու է կառուցապատվող տարածքի հարևանությամբ առկա՝ Անտառային 1 թղմ. 10/1 հասցեի անտառապատ տարածքների հաշվին՝ Ընկերությանը անհատույց օգտագործման տրամադրված հողամասի համաձայնագրին համապատասխան: Շինարարական աշխատանքների ավարտից հետո կառուցապատումից ազատ տարածքը նախատեսվում է կանաչապատել և բարեկարգել:

Բազմաֆունկցիոնալ համալիրի էլեկտրամատակարարումն իրականացվում է «Գեղամա» մ/ճ «Հրազդան» էլ. ցանցի կողմից: Գազամատակարարումը 850մ³/ժամ ծախսով իրականացվելու է «Գազպրոմ Արմենիա» ՓԲ ընկերության կողմից տրված տեխնիկական պայմանի համաձայն՝ տարածքում գոյություն ունեցող՝ 219մմ տրամագծով միջին ճնշման վերգետնյա գազատարից: Բազմաֆունկցիոնալ համալիրի ջերմամատակարարումն իրականացվելու է անհատական կաթսաներով, կաթսայատուն չի կառուցվելու:

Համալիրի ջրամատակարարումը և ջրահեռացումն իրականացվելու են «Անդիա Ջուր» ՓԲԸ-ի կողմից տրված տեխնիկական պայմանների համաձայն՝ ջրամատակարարումը



կիրականացվի Խ. Մուրադյան 5 շենքի հարևանությամբ անցնող $d=110$ մմ ջրագծից, կոյուղաջրերը կուլվեն դեպի Կեչառեցու փողոցով անցնող՝ $d=300$ մմ տրամագծով կոյուղագիծ:

Բազմաֆունկցիոնալ բնակելի համալիրի վերակառուցման աշխատանքների շնարարության ընդհանուր տևողությունը կկազմի 3 տարի: Հողային զանգվածների ծավալները ներառում են՝ 5745մ^3 ծավալով հանույթ, 1725մ^3 ծավալով հետլիցք: Մնացորդային հողային զանգվածի 4020մ^3 ծավալը շինարարության ընթացքում առաջացող շինարարական աղբի հետ միասին կտեղափոխվեն Ծաղկաձորի քաղաքապետարանի կողմից հատկացված աղբավայրեր:

Շինարարության ժամանակ ջուրն օգտագործվելու է տարածքների ջրցանման, հողի/գրունտի խոնավեցման և շինանձնակազմի խմելու-կենցաղային կարիքների համար: Տեխնիկական ջրօգտագործումը /որը հաշվարկվել է $3.95 \text{ մ}^3/\text{օր}/$, նախատեսված է շինհրապարակ տեղափոխել պայմանագրային հիմունքներով՝ ջրատար մեքենաներով: Իսկ շինանձնակազմի տնտեսական կենցաղային կարիքների համար անհրաժեշտ ջուրը կապահովվի տարածքում առկա ջրագծից: Աշխատողների կենցաղային կեղտաջրերի հեռացման համար շինհրապարակում ժամանակավոր կտեղադրվեն բիոզուգարաններ, որոնք շինաշխատանքների ավարտից հետո կապամոնտաժվեն:

Շինարարության ժամանակ շինհրապարակից առաջացող հոսքաջրերը և անձրևաջրերն ուղղվելու են շին. հրապարակին կից տարածքում տեղադրվող՝ 25մ^3 ծավալով պարզարան /տարողություն/, որտեղ մեխանիկական նստեցումից հետո, պարզեցված ջուրը կօգտագործվի տարածքի ջրցանման համար, իսկ նստվածքը կհեռացվի որպես շինաղբ: Իսկ շինարարության ընթացքում առաջացող շինաղբը՝ 1300մ^3 ծավալով, ժամանակավոր կպահվի համապատասխան պարկերով, կամ ծածկի տակ՝ մինչև համայնքի կողմից տրամադրված աղբավայր տեղափոխումը:

Շինարարական աշխատանքների ընթացքում, առաջացող թափոնատեսակներն են՝ կենցաղային աղբը /մոտ $120-130 \text{ կգ}/$, որը կտեղափոխվի մոտակա կենցաղային թափոնների աղբավայր՝ հանաձայնեցված տեղական ինքնակառավարման մարմինների հետ: Բազմաֆունկցիոնալ բնակելի համալիրի շահագործման ընթացքում առաջացող կենցաղային աղբը համապատասխան ընկերության կողմից պայմանագրային հիմունքներով կտեղափոխվի աղբավայր:

Շինարարական աշխատանքների ընթացքում հիմնական բնապահպանական ռիսկերը կապված են հողային ծածկույթին հասցվող վնասի և արտանետումների հետ: Քանի որ շինարարական աշխատանքները իրականացվելու են արդեն իսկ կառուցապատված տարածքներում, հողային ծածկույթի վրա նոր ազդեցություններ չեն կանխատեսվում: Շինհրապարակում արտանետումները կարող են առաջանալ հիմքերի փորման ընթացքում՝ փոշու արտանետումներով և շինարարական տեխնիկայի շահագործման ժամանակ՝ դիզելային վառելիքի արտանետումներով: Օդային ավազանը աղտոտումից պահպանելու համար կարևորվում են՝ շինարարական աշխատանքների ընթացքում ջրցանի իրականացումը և շինարարական տեխնիկայի և փոխադրամիջոցների տեխնիկական վիճակի կարգաբերումը:

Շրջակա տարածքների և հողային ծածկույթի պահպանությանն ուղղված միջոցառումները ներառում են՝

- Շին. աշխատանքների ընթացքում հողերի որակի մոնիթորինգի իրականացումը,
- Շինարարական աշխատանքների ընթացքում առաջացող շինարարական թափոնների պահեստավորումը, կամ շինանյութերի տեղադրումը հատուկ նախատեսված վայրերում՝ ծածկի տակ,
- աշխատանքների ավարտից հետո խախտված տարածքների վերականգնումը և մաքրումը՝ շինարարական թափոններից և շին աղբից,



- Շինարարական տեխնիկական միջոցների, սարքավորումների և մեքենաների պատշաճ տեխնիկական վիճակի ապահովումը:

Մթնոլորտային օդի պահպանության նպատակով նախատեսված է՝

- շինարարության ընթացքում ջրցանի պարբերաբար իրականացում /օրական 2-3 անգամ/,

- շինարարական տեխնիկայի և փոխադրամիջոցների տեխնիկական վիճակի ստուգում՝ իրականացնելով կարգավորում,

- շինարարական նյութերի (ավազ, խիճ, հողային զանգված և այլն) տեղափոխում փակ ծածկով մեքենաներով,

- շինհրապարակում սորուն նյութերի պահեստների ծածկում համապատասխան բարձրությամբ թաղանթով՝ փոշու տարածումը կանխարգելելու նպատակով,

- շինարարական աշխատանքների ժամանակ շենքի ծածկում՝ փոշու տարածումը կանխող ցանցով:

Շինարարական մեքենաների տեխնիկական սպասարկումը և վերանորոգումը նախատեսված է իրականացնել մասնագիտացված կետերում: Բետոնի և շաղախի առաքումն իրականացվելու է տարածաշրջանի մոտակա բետոնաշաղախային հանգույցներից՝ պատրաստի վիճակում, մասնագիտացված տրանսպորտային միջոցներով: Հողային ռեսուրսների և շրջակա տարածքների պահպանության նպատակով, շինարարական նյութերի և քսայուղերի ժամանակավոր պահեստները նախատեսված են տեղադրել բետոնապատ մակերեսի վրա, իսկ նավթանյութերի արտահոսքի հավանականությունը հնարավոր կլինի կանխել շինարարական աշխատանքներում ապահովելով սարքավորումների և մեքենաների պատշաճ տեխնիկական վիճակ:

Շինարարական աշխատանքների ավարտից հետո կառուցապատումից ազատ տարածքում նախատեսված է իրականացնել կանաչապատում, կտնկվեն տեղանքին և լանդշաֆտին համապատասխան ծառատեսակներ /թղի, գնդաձև ակացիա, բարբարիս, գնդաձև իլենի սյունածեղ թույա փովոլ գիհի և այլն/: Սիզամարգով կանաչապատումը կնդգրկի 3000մ² մակերես, 440գծ.մ երկարությամբ կտնկվի թփեր /սամշիտ/: Կանաչապատման նախագիծը կհամաձայնեցվի Ծաղկածորի քաղաքապետարանի հետ: Կանաչապատ տարածքների ոռոգումն համար ջուրը կմատակարարվի պայմանագրային հիմունքներով՝ հատուկ ավտոմեքենաներով: Ծառատեսակների համար կնախատեսվի կաթիլային ոռոգման համակարգ: Ամբողջությամբ ոռոգումը կկազմակերպվի ռետինյա խողովակներով:

Հայտում ներկայացվել է նաև միջոցառումների ծրագիր՝ ուղղված արտակարգ իրավիճակների ռիսկը նվազագույնի հասցնելուն և արագ արձագանքելուն /ներառյալ հակահրդեհային միջոցառումներ/, ինչպես նաև միջոցառումներ, որոնք ուղղված են աշխատողների անվտանգությանը, առողջությանը և սանիտարական պայմանների ապահովմանը:

Շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման /մեղմացման/ ուղղված մշտադիտարկումներ ըստ տեղամասերի և ժամանակացույցի, այդ թվում՝ հողային ծածկույթ, մթնոլորտային օդ, կենսաբազմազանություն, աղմուկ, թրթռում, որոնց իրականացման ծախսերը գնահատվել են տարեկան 350 հազ. դրամ, իսկ ամբողջ շինարարության ընթացքում 1050 հազ. ՀՀ դրամ/:

Եզրափակիչ մաս: Նախատեսվող գործունեության նախնական գնահատման հայտի փորձաքննությունն իրականացվել է <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջներով: Փորձաքննական գործընթացին մասնակցել են պետական և տեղական ինքնակառավարման մարմինները, առողջապահության, արտակարգ իրավիճակների նախարարությունները, շրջակա



միջավայրի նախարարության ստորաբաժանումները և Կոտայքի մարզպետարանը, որոնց կողմից ներկայացված կարծիքները հաշվի են առնվել, դիտողություններով և առաջարկություններով հայտը լրամշակվել է:

Նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Ծաղկաձոր քաղաքում անցկացված հանրային քննարկումներում գործունեության իրականացումը մասնակիցների կողմից արժանացավ հավանության: Հանրային քննարկումների ընթացքում մասնակիցների կողմից հարց բարձրացվեց կառուցապատվող տարածքում նախատեսվող կանաչապատ մակերեսների վերաբերյալ: Ծաղկաձորի համայնքապետարանի կողմից ներկայացվեց այն հիմնավորումը, որ բնակելի համալիրի բնակիչները օգտվելու են նաև հողամասի հարևանությամբ առկա անտառային տարածքից՝ Ընկերությանը անհատույց օգտագործման տրամադրված հողամասի համաձայնագրին համապատասխան:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Շինարարական աշխատանքները կազմակերպելիս անհրաժեշտ է առաջնորդվել՝ ՀՀ քաղաքաշինության նախարարի 2008 թ. հունվարի 14-ի թիվ 11-Ն հրամանով հաստատված «Շինարարական արտադրության կազմակերպման աշխատանքների կատարում» ՀՀՇՆ 1-3.01.01-2008 շինարարական նորմերի պահանջներով:

2. Շինարարության ընթացքում որպես պարտադիր պահանջներ, անհրաժեշտ է՝

- ցանկապատել շինարարական հրապարակը,

- շինությունները ծածկել համապատասխան բարձրությամբ փոշու տարածումը կանխող ցանցով,

- շինհրապարակից դուրս եկող մեքենաների անվադողերը լվանալ,

- բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

3. Հաշվի առնելով տարածքում առկա սողանքային երևույթները, շինարարության ընթացքում հնարավոր ֆիզիկաերկրաբանական վտանգավոր երևույթների առաջացումը կանխարգելելու համար, անհրաժեշտ է առաջնորդվել ՀՀ տվյալ ոլորտը կարգավորող նորմատիվաիրավական ակտերի պահանջներով:

4. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Ծաղկաձորի քաղաքապետարանի հետ համաձայնեցված:

5. Տարածքի կանաչապատման նախագիծն անհրաժեշտ է համաձայնեցնել Ծաղկաձորի քաղաքապետարանի հետ:

6. Շինարարության ընթացքում պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:



Գլխավոր մասնագետ

Հ. Մկրտչյան